

RESOLUCIÓN DA XEFATURA TERRITORIAL DA CONSELLERÍA DO MAR DE VIGO POLA QUE SE MODIFICA E SE AUTORIZA O EMPREGO DA LISTA DE RESERVA XURDIDA DA RELACIÓN DEFINITIVA DE PERSOAS NON SELECCIONADAS PARA TER ACCESO AO PERMISO DE EXPLOTACIÓN PARA MARISQUEO A PÉ NA CONFRARÍA DE VILANOVA DE AROUSA

ANTECEDENTES

Primeiro. Mediante Resolución do 14 de decembro de 2020 publicáronse as listas definitivas de seleccionados e non seleccionados do proceso selectivo. A lista de non seleccionados constitúe unha lista de reserva, que poderá ser empregada para cubrir as praza vacantes que se produzan durante o ano da súa vixencia.

Segundo. A Resolución do 14 de decembro de 2020 foi modificada pola do 21 de xaneiro do 2021 mediante a cal se incluíron na lista definitiva de persoas seleccionadas pola quenda xeral ás dúas primeiras persoas da lista de reserva.

Terceiro. O día 26 de outubro de 2021 a confraría de Vilanova de Arousa solicita o emprego da lista de reserva para cubrir dezasete (17) prazas vacantes, que se orixinaron como consecuencia de baixas no sector de marisqueo a pé e suspensións temporais de permisos de explotación.

Cuarto. Mediante Resolución do 28 de outubro de 2021 autorízase o emprego das dezasete prazas vacantes e publícanse os nomes das persoas seleccionadas para o seu outorgamento.

Quinto. Dentro do prazo establecido de 15 días hábiles para achegar a documentación para acreditación dos requisitos necesarios, houbo tres persoas que non a presentaron.

CONSIDERACIÓNS LEGAIS E TÉCNICAS

Primeiro. Esta Xefatura Territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de



explotación para exercer a actividade pesqueira e marisqueira, modificado polo Decreto 114/2007, de 31 de maio e polo Decreto 48/2013, do 7 de marzo.

Segundo. A Orde da Consellería do Mar do 15 de xullo de 2011 pola que se regula o permiso de explotación para o marisqueo a pé (DOG nº 144 de 28 de xullo de 2011) establece no seu artigo 7 a constitución dunha lista de reserva integrada pola relación definitiva de persoas non seleccionadas que non foron excluídas do procedemento selectivo, cunha vixencia dun (1) ano que se contará desde o día seguinte ao da data de resolución da xefatura territorial.

A confraría de pescadores ou entidade asociativa, de conformidade coa agrupación sectorial, de estar constituída, poderá solicitar á xefatura territorial correspondente o emprego da lista de reserva nos seguintes supostos:

- a) Cando se produzan praza vacantes durante o proceso de outorgamento.
- b) Cando se produzan praza vacantes durante a vixencia dos plans de xestión correspondentes.

Terceiro. Correspóndelle a esta Xefatura Territorial ditar esta resolución de acordo co disposto no Decreto 245/2009 do 30 de abril, polo que se regulan as delegacións territoriais da Xunta de Galicia.

Á vista do exposto, esta Xefatura Territorial, en virtude das competencias atribuídas,

RESOLVE:

Modificar a resolución que autoriza o emprego da lista de reserva e publicar o nome das persoas seleccionadas para cubrir as tres prazas que quedaron vacantes pola desistencia das persoas que non presentaron a documentación:

DNI	NOME	APELIDOS
***7404**	DANIEL	LEIRO GONZÁLEZ



***4824**	MANUEL	NOGUEIRA NAVAZAS
***6440**	INMACULADA	PARADA VAZQUEZ

(*) *Ocúltase parcialmente o número de documento nacional de identidade para preservar os datos de carácter persoal, de acordo coa Lei orgánica 15/1999, do 13 de decembro.*

As persoas seleccionadas deberán acreditar no prazo de quince (15) días hábiles, que se contarán dende o día seguinte ao que se publique esta resolución, os requisitos para obter o permiso de explotación; de non facerse así neste prazo, entenderase que decaen do seu dereito. Deben presentar a seguinte documentación:

- a) Fotografía co seu nome e DNI escrito por detrás.
- b) Documentación que acredite que a persoa non está incapacitada para exercer os labores de marisqueo.
- c) No caso de non ter sido asinada a autorización da consulta: certificado que acredite que a persoa non é perceptora da renda de integración social de Galicia (RISGA). As persoas perceptoras da renda de integración social de Galicia, deberán renunciar a ela.
- d) No caso de non ter sido asinada a autorización para a consulta: certificado da Seguridade Social que acredite que a persoa non é perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares.
- e) No caso de non ter sido asinada a autorización para a consulta do certificado de mariscador no caso de que o posúan e non fose presentado coa solicitude: copia do certificado de mariscador. Aquelas persoas que non o posúan, terán que realizar o curso a primeira vez que sexan convocados - salvo causa debidamente xustificada - pola Dirección xeral de Desenvolvemento Pesqueiro.

A documentación requirida deberá dirixirse á Xefatura Comarcal do Mar en Vilagarcía de Arousa.



As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados na base I.2. da convocatoria, entenderase que desisten da súa solicitude (*excepto o certificado de mariscador. Ver aptdo. d*)).

Neste caso, emitirase unha nova resolución modificando esta, na que se indicarán as persoas aspirantes seleccionadas pola desistencia das persoas que non presentaron a documentación ou carecen dos requisitos, outorgándolles un prazo de quince (15) días hábiles, que se contarán a partir do día seguinte ao da publicación da nova resolución, para que acheguen a documentación que figura na base III da convocatoria.

De conformidade co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas (BOE núm. 236, do 2 de outubro de 2015), contra esta resolución, que non esgota a vía administrativa, poderán interpor recurso de alzada ante a conselleira do Mar no prazo de un mes a contar dende o día seguinte ó da súa notificación.

